



25334-11-3-202112231351

N 25334

23/12/2021

ხელშეკრულება სახელმწიფო შესყიდვის შესახებ № 22(ბ)
(2022 წლის მომსახურების)
დაფინანსების წყარო: 2022 წლის სახელმწიფო ბიუჯეტი (პროგრამული კოდი 310901)

„სახელმწიფო შესყიდვების შესახებ“ საქართველოს კანონისა და სახელმწიფო შესყიდვების სააგენტოს თავმჯდომარის 2017 წლის 14 ივნისის № 12 ბრძანებით დამტკიცებული „ელექტრონული ტენდერის ჩატარების წესის“ მოთხოვნათა შესაბამისად სსიპ ეროვნული სატყეო სააგენტოს მიერ სახელმწიფო შესყიდვის განხორციელების მიზნით, ელექტრონული ტენდერის საშუალებით, („სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ჟ“ ქვეპუნქტის შესაბამისად.) (SPA 210003210) (CPV – 90900000; 90910000.).

ერთის მხრივ **სსიპ ეროვნული სატყეო სააგენტო** (შემდგომში **შემსყიდველი**) სააგენტოს უფროსის მოადგილის დავით ალადაშვილის სახით, **მისამართი:** ქ.თბილისი, გ. გულუას ქ. № 6. ს/კ 204578581. **ტელ:** 2753900. **საბანკო რეკვიზიტები:** ცენტრალური ხაზინა, კოდი TRESGE22, ა/ა GE24NB0330100200165022. ხოლო, მეორეს მხრივ **შ.პ.ს. „ბად კომპანი“** (შემდგომში **მიმწოდებელი**) მისი დირექტორის ნინო დევედარიანის სახით, **მისამართი:** ქ. ქუთაისი, ბარნოვის ქუჩა № 69. ს/კ 412680273. **ტელ:** 551321844 (ელ.ფოსტა: bienddikompani@gmail.com). **საბანკო რეკვიზიტები:** ს.ს. „თიბისი ბანკი“, ბანკის კოდი: TBCBGE22, ა/ა GE45TB7123436080100001. ვდებთ წინამდებარე ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტება

1.1 „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველ ორგანიზაციასა და ელექტრონულ ტენდერში გამარჯვებულ პრეტენდენტს შორის დადებული წინამდებარე ხელშეკრულება, რომელიც ხელმოწერილია მხარეთა მიერ.

1.2 „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.

1.3 „დღე“, „კვირა“, „თვე“ – კალენდარული დღე, კვირა, თვე.

1.4 „შემსყიდველი“ – ორგანიზაცია, რომელიც ახორციელებს შესყიდვას.

1.5 „მიმწოდებელი“ – პირი, რომელმაც მოიპოვა გამარჯვება ელექტრონულ ტენდერში და ახორციელებს მომსახურების მიწოდებას ხელშეკრულების ფარგლებში.

1.6 „მომსახურება“ – ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

2.1 ხელშეკრულების საგანია - შემსყიდველის კუთვნილი რეგიონალური ოფისების, ამ ოფისებში განთავსებული ინვენტარის და ადგილზე არსებული სველი წერტილების დალაგება-დასუფთავების მომსახურების შესყიდვა (საერთო ფართი - 4670 კვ/მ) (შემდგომში მომსახურება) ამ ხელშეკრულებისა და ტენდერის (SPA 210003210) პირობების შესაბამისად.

3. მომსახურების ღირებულება

3.1 მთლიანი სახელშეკრულებო თანხა საქართველოს კანონმდებლობით გათვალისწინებული ყველა გადასახადის გათვალისწინებით შეადგენს **53100 (ორმოცდაცამეტი ათას ასი) ლარს**, დღგ-ს ჩათვლით.

3.2 ფასების ცხრილი რეგიონებისა და ფართების მიხედვით, დღგ-ს ჩათვლით.

№	ობიექტის მისამართი სადაც უნდა განხორციელდეს დალაგება-დასუფთავება	სავარაუდო ფართი (კვ/მ)	მომსახურების ღირებულება 1 (ერთი) თვეში	მომსახურების ღირებულება 12 (თორმეტი) თვეში
---	--	------------------------	--	--

1	ახალციხე - ასპინძის ქუჩა №6	325.78	413	4956
2	წყალტუბო – სოფელი გუმბრა	683.03	472	5664
3	ამბროლაური – სოფელი სადმელი	308.76	295	3540
4	ამბროლაური – სოფელი კვაცხეთი	502.24	354	4248
5	ხაშური - ბორჯომის ქუჩა №18	273.24	354	4248
6	ბოლნისი - აღმაშენებლის ქუჩა №5	505.00	472	5664
7	ყვარელი - დ.აღმაშენებლის ჩიხი. 4, №46.	770.30	590	7080
8	ოზურგეთი - გიორგაძის ქუჩა №5	408.39	354	4248
9	ზუგდიდი - კოსტავას ქუჩა №58	346.96	354	4248
10	მცხეთა - მუხრანის ქუჩა №17ა	421.00	590	7080
11	თიანეთი - რუსთაველის ქუჩა	125.30	177	2124
		4670.00	4425	53100

4. მომსახურების მიღება-ჩაბარება

4.1 მომსახურების მიღება წარმოებს ეტაპობრივად, ყოველთვიურად, მიღება-ჩაბარების აქტის სახით. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელის მოწერით, კონტროლის განმახორციელებელი ჯგუფის წევრების მხოლოდ დადებითი დასკვნის საფუძველზე.

4.2 ყოველი თვის მომსახურების დასრულებიდან 3 (სამი) სამუშაო დღის განმავლობაში, შემსყიდველის წარმომადგენლები (კონტროლის განმახორციელებელი ჯგუფის წევრები) განიხილავენ გაწეული მომსახურების შესაბამისობას ხელშეკრულებით დადგენილთან.

4.3 იმ შემთხვევაში თუ, მიწოდებული მომსახურება შეესაბამება ხელშეკრულებით გათვალისწინებულ მოთხოვნებს, ხელშეკრულებით განსაზღვრული პირი ახორციელებს მომსახურების მიღებას, ხოლო თუ, გამოვლინდება, რომ მომსახურება არ აკმაყოფილებს ხელშეკრულებით გათვალისწინებულ მოთხოვნებს შემსყიდველს უფლება აქვს არ მიიღოს ნაკლოვანი მომსახურება.

4.4 შემსყიდველი ვალდებულია წერილობითი სახით, აცნობოს მიმწოდებელს საბოლოო შემოწმების შედეგები დაწუნებული მომსახურების რაოდენობის და წუნდების მიზეზის მითითებით.

4.5 მომსახურება ჩაითვლება მიღებულად მიღება-ჩაბარების აქტზე შემსყიდველის მხრიდან ხელმოწერის შემდეგ. შემსყიდველის მხრიდან მიღება-ჩაბარების აქტს ხელს აწერს სსიპ ეროვნული სატყეო სააგენტოს შესაბამისი სატყეო სამსახურის უფროსი.

5. მომსახურების განხორციელების ვადები და ადგილი

5.1 მომსახურება უნდა განახორციელდეს **2022 წლის 03 იანვრიდან 2022 წლის 31 დეკემბრის ჩათვლით.**

5.2 მომსახურება უნდა განხორციელდეს შემსყიდველის მისამართებზე: 1. ახალციხე - ასპინძის ქუჩა №6 (325,78 კვადრატული მეტრი); 2. წყალტუბო – სოფელი გუმბრა (683,03 კვადრატული მეტრი); 3. ამბროლაური – სოფელი სადმელი (308,76 კვადრატული მეტრი); 4. ამბროლაური – სოფელი კვაცხეთი (502,24 კვადრატული მეტრი); 5. ხაშური - ბორჯომის ქუჩა №18 (273,24 კვადრატული მეტრი); 6. ბოლნისი - აღმაშენებლის ქუჩა №5 (505 კვადრატული მეტრი); 7. ყვარელი - დ.აღმაშენებლის ჩიხი. 4, №46. (770,30 კვადრატული მეტრი); 8. ოზურგეთი - გიორგაძის ქუჩა №5 (408,39 კვადრატული მეტრი); 9. ზუგდიდი - კოსტავას ქუჩა №58 (346,96 კვადრატული მეტრი); 10. მცხეთა - მუხრანის ქუჩა №17ა (421 კვადრატული მეტრი); 11. თიანეთი - რუსთაველის ქუჩა (125,30 კვადრატული მეტრი).

6. მხარეთა უფლება-მოვალეობანი

6.1 მიმწოდებელი ვალდებულია:

6.1.1 დროულად და ხარისხიანად გაუწიოს შემსყიდველს ხელშეკრულებით გათვალისწინებული მომსახურება;

6.1.2 განიხილოს შემსყიდველის პრეტენზიები და მიაწოდოს მოტივირებული პასუხი ნებისმიერ სადაო საკითხებზე;

6.1.3 კეთილსინდისიერად და ჯეროვნად შეასრულოს ხელშეკრულებით ნაკისრი ვალდებულებები;

6.1.4 მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს სხვას მოცემული ხელშეკრულებით არსებული თავისი ვალდებულებები.

6.2 დალაგება-დასუფთავების მომსახურება უნდა მოიცავდეს:

6.2.1 ჭერის და კედლების დასუფთავება: ჭერი და კედლები ადგილზე უნდა გაიწმინდოს კვირაში ერთხელ მშრალად, ხოლო თვეში ერთხელ სველი ტილოთი შესაბამისი ხსნარის გამოყენებით. კედლის საფარზე არ უნდა იყოს ხილული ლაქები, ჩამჯდარი ჭუჭყი და ობობის ქსელები;

- 6.2.2 საოფისე ავეჯის (მათ შორის რბილი ავეჯი) წმენდა: ავეჯზე მტვერი უნდა გაიწმინდოს ყოველ დღე, არ უნდა იყოს ჩამჯდარი ჭუჭყი, ნათითურები, ლაქები და ა.შ. სკამებზე და სავარძელზე არ უნდა იყოს მტვერი, დაღვრილი ნივთიერებები, ლაქები;
- 6.2.3 კომპიუტერებისა და ორგ.ტექნიკის წმენდა: ზედაპირი უნდა გაიწმინდოს ყოველდღიურად. მათზე არ უნდა იყოს მტვერი და ჩამჯდარი ჭუჭყი;
- 6.2.4 რბილი ავეჯის დასუფთავება: ავეჯი ყოველდღიურად უნდა დასუფთავდეს მტვერსასრუტით, მათზე არ უნდა იყოს ჩამჯდარი ჭუჭყი, ლაქები;
- 6.2.5 სხვადასხვა მყარი იატაკების და მათი კუთხეების (გრანიტი, მეტლახი, პარკეტი, ლამინატი და ა.შ) დასუფთავება: იატაკები უნდა დაიგავოს ყოველდღიურად და მოიწმინდოს სპეციალურ ხსნარში დასველებული ჩვრით. იატაკზე არ უნდა იყოს ღრმად ჩამჯდარი ჭუჭყი და ლაქები. მყარი იატაკი (მეტლახი, გრანიტი) უნდა მოპრიალდეს სპეციალური საპრიალებელი აპარატით სამ თვეში ერთხელ;
- 6.2.6 ფანჯრებისა და მინისებური ზედაპირის წმენდა: მინებზე მტვერი და ჭუჭყი უნდა გაიწმინდოს ყოველდღიურად, ხოლო შენობის გარე ფანჯრები უნდა გაიწმინდოს სამ თვეში ერთხელ. ფანჯრის თაროები უნდა იყოს ყოველთვის სუფთა;
- 6.2.7 დერეფნის, კიბის უჯრედის და სხვა ზოგადი ტერიტორიის დასუფთავება: დერეფანი და კიბეები უნდა დაიგავოს ყოველდღიურად. კიბეები, კედლები და მოაჯირები უნდა იყოს მუდმივად სუფთა, მათზე არ უნდა იყოს რაიმე ჩამჯდარი ჭუჭყი და ლაქები;
- 6.2.8 სველი წერტილების დასუფთავება: სველი წერტილები უნდა გაიწმინდოს სადენზინფექციო ხსნარით. ნიჟარები, იატაკები, კედლები და სარკეები მუდმივად უნდა იყოს სუფთა. არხები და საცობები იატაკზე უნდა გაიწმინდოს შესაბამისი მასალის გამოყენებით. ტუალეტში არ უნდა იყოს საწმენდი მასალების და საპნის ნარჩენები. სასაპნეები და ხელსაბანები უნდა იყოს სუფთა, ონკანები უნდა პრიალებდეს. სველი წერტილებში უნდა იყოს მოწყობილი კონტეინერი უნიტაზზე დასაფენი ჰიგიენური ქაღალდით. აგრეთვე, სველი წერტილები უზრუნველყოფილი უნდა იყოს საჭირო რაოდენობის ჰიგიენური საშუალებებით (მათ შორის: მაღალი ხარისხის ქაღალდით) მთელი სამუშაო დროის განმავლობაში;
- 6.2.9 ნაგვის სათლის დაცლა, მათში პოლიეთილენის პარკის მოთავსება და ნაგვის გატანა: სათლები უნდა დაიცალოს ყოველდღიურად და ჩაეფინოს პოლიეთილენის ახალი პარკები. სათლებზე არ უნდა იყოს რაიმე ლაქა და ჭუჭყი;
- 6.2.10 დღის განმავლობაში წარმოქმნილი დაბინძურების ოპერატიული აღმოფხვრა და სისუფთავის შენარჩუნება შემსყიდველის ფართის მთელ ტერიტორიაზე;
- 6.2.11 დასუფთავების პროცესში მოგროვილი ნაგავი მიმწოდებელმა უნდა გაიტანოს შენობიდან და ჩაყაროს შენობასთან არსებულ სანაგვე კონტეინერებში;
- 6.2.12 მომსახურება ყოველდღიურად (გარდა არასამუშაო დღეებისა) უნდა განხორციელდეს სამუშაო დროის დაწყებამდე, დილის 09 საათამდე.
- 6.3 მიმწოდებელი/პრეტენდენტი ვალდებულია მომსახურების გაწევისას გაუფრთხილდეს შემსყიდველის ქონებას;
- 6.4 შემსყიდველის მთელ ტერიტორიაზე გენერალური დასუფთავება საოფისე ავეჯის, კომპიუტერებისა და ორგ.ტექნიკის კაპიტალური წმენდა, ქრომისა და უჟანგავი ლითონის ზედაპირის წმენდა-პოლირება, ჭაღებისა და სხვა მანათობელი საშუალებების კაპიტალური წმენდა და სველი წერტილების კაპიტალური დასუფთავება უნდა განხორციელდეს სამ თვეში ერთხელ შემსყიდველთან შეთანხმებით.
- 6.5 სველი წერტილებისა და ხალხმრავალი ადგილების სანიტარული დამუშავება დეზინფექცია: ზემოთ ჩამოთვლილი ტერიტორიების დამუშავება სხვადასხვა ინფექციების (სტაფილოკოკი, ბეჰეპატიტის, შიდსის და ა.შ) გავრცელების საწინააღმდეგო საშუალებებით უნდა განხორციელდეს თვეში ერთხელ შემსყიდველთან შეთანხმებით.
- 6.6 დეზინფექცია: წლის ბოლომდე არანაკლებ 4-ჯერ (საჭიროებისამებრ) შემსყიდველთან შეთანხმებით. კორონა ვირუსის საწინააღმდეგო დეზინფექცია: არანაკლებ თვეში ერთხელ, შესაბამისი ხსნარებით.
- 6.7 დერატიზაცია: (სამუშაო ოთახები, საკუჭნაოები, დერეფანი, კიბის ტიხარი და სხვა დამხმარე სათავსოები), წლის ბოლომდე შემსყიდველის მოთხოვნის შესაბამისად, არაუმეტეს 4-ჯერ.
- 6.8 გამოსაყენებელი საწმენდი საშუალებები უნდა შეთანხმდეს შემსყიდველთან.
- 6.9 შემსყიდველი ვალდებულია:
- 6.9.1 დროულად აცნობოს მიმწოდებელს გაწეულ მომსახურებასთან დაკავშირებული ხარვეზების შესახებ;
- 6.9.2 გადაიხადოს მიმწოდებლის მიერ ფაქტიურად გაწეული მომსახურების ღირებულება.

7. გარანტია

7.1 მიმწოდებელი იძლევა გარანტიას, რომ განხორციელებული მომსახურება იქნება ხარისხიანი და შეესაბამება ხელშეკრულების მოთხოვნებს.

8. ანგარიშსწორება

8.1 ანგარიშსწორება მიმწოდებელთან განხორციელდება ეტაპობრივად (ყოველთვიურად), ფაქტიურად გაწეული მომსახურების მიხედვით, მომსახურების გაწვევის შემდეგ, მიმწოდებლის მიერ წარმოდგენილი ორმხრივად გაფორმებული მიღება-ჩაბარების აქტისა და საგადასახადო ანგარიშ-ფაქტურის საფუძველზე, მათი წარმოდგენიდან 10 (ათი) სამუშაო დღის განმავლობაში.

8.2 ანგარიშსწორება განხორციელდება უნაღდო ანგარიშსწორების ფორმით, ლარებში.

9. ხელშეკრულებაში ცვლილებების შეტანა

9.1 ხელშეკრულების დამდებ არცერთ მხარეს არ აქვს უფლება მთლიანად ან ნაწილობრივ ცალმხრივად შეცვალოს ხელშეკრულების პირობები.

9.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

9.3 ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

9.4 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

10. ხელშეკრულების შესრულების შეფერხება

10.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ (ხელშემშლელ გარემოებებში არ ითვლება წვიმა, ქარი, თოვლი და ა.შ.) გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუზიაროს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე ვადაში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

10.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

11. მხარეთა პასუხისმგებლობა

11.1 შემსყიდველი უფლებამოსილია ამ ხელშეკრულებით გათვალისწინებული მომსახურების მიწოდების ვადის გადაცილების შემთხვევაში დააკისროს მიმწოდებელს პირგასამტეხლო ყოველ ვადაგადაცილებულ დღეზე შეუსრულებელი ვალდებულების ღირებულების 0.1 პროცენტის ოდენობით. (ვადაგადაცილებული დღეების რაოდენობაში არ ჩაითვლება იმ დღეების რაოდენობა, რომელიც დაჭირდება კონტროლის განმახორციელებელი ჯგუფის წევრების მიერ დასკვნის მომზადებას).

11.2 შემსყიდველი უფლებამოსილია მიმწოდებლის მიერ ამ ხელშეკრულებით გათვალისწინებული პირობ(ებ)ის არაჯეროვანი შესრულებისათვის, ყოველ კონკრეტულ ფაქტზე დააკისროს მიმწოდებელს პირგასამტეხლო ხელშეკრულების საერთო ღირებულების 0.5 პროცენტის ოდენობით. ამ პუნქტის მოქმედების დროს გამოირიცხება 11.1 პუნქტის მოქმედება.

11.3 იმ შემთხვევაში თუ ხელშეკრულების 11.1 პუნქტით გათვალისწინებული პირგასამტეხლოს რაოდენობა მიაღწევს მთლიანი სახელშეკრულებო ღირებულების 1 (ერთი) პროცენტს, შემსყიდველს უფლება აქვს ნებისმიერ დროს ცალმხრივად შეწყვიტოს ხელშეკრულება. ხელშეკრულების შეწყვეტა არ ანთავისუფლებს მიმწოდებელს ხელშეკრულების პირობების შეუსრულებლობისათვის გათვალისწინებული პასუხისმგებლობიდან.

11.4 ხელშეკრულებით გათვალისწინებული ვალდებულებების შეუსრულებლობით გამოწვეული ზიანის ანაზღაურება ეკისრება მიმწოდებელს იმ შემთხვევაშიც, თუ ზიანი მიაღდა მესამე პირებს და ეს შედეგი არ დადგებოდა ვალდებულება ჯეროვნად, რომ შესრულებულიყო.

11.5 მხარეები თავისუფლდებიან პასუხისმგებლობისაგან:

11.5.1 თუ ხელშეკრულებით ნაკისრი ვალდებულებების შეუსრულებლობა გამოწვეულია ფორს-მაჟორული მდგომარეობით. ფორს-მაჟორული პირობების გათვალისწინება რეგულირდება მოქმედი კანონმდებლობის შესაბამისად;

11.5.2 ის მხარე, რომელიც ხელშეკრულების 11.5.1 პუნქტით გათვალისწინებულ შემთხვევების გამო ვერ ასრულებს ხელშეკრულებით ნაკისრ ვალდებულებას ვალდებულია დაუყოვნებლივ წერილობით აცნობოს მეორე მხარეს ნაკისრი ვალდებულებების შეუსრულებლობის გამომწვევი მიზეზებისა და მისი შესაძლო ხანგრძლივობის შესახებ, ხოლო შეტყობინებიდან არაუგვიანეს 5 (ხუთი) სამუშაო დღისა წარმოადგინოს ცნობა შესაბამისი კომპენტენტური ორგანიზაციიდან (ასეთის არსებობის შემთხვევაში), რომელიც დაადასტურებს წერილში მოყვანილ გარემოებებს;

11.5.3 ხელშეკრულების 11.5.2 პუნქტით გათვალისწინებული პირობების დაცვის შემთხვევაში მხარეები უფლებამოსილი არიან გადახედონ ხელშეკრულების პირობებს და შეიტანონ მასში შესაბამისი ცვლილება ვალდებულების შესრულების ვადის გაგრძელებასთან დაკავშირებით ან/და (არგუმენტაციის საფუძველზე) ვადამდე შეწყვიტონ ხელშეკრულება.

11.6 ხელშეკრულების პირობების საერთოდ შეუსრულებლობის შემთხვევაში მიმწოდებელს დაეკისრება პირგასამტეხლო ხელშეკრულების საერთო ღირებულების 20%-ის ოდენობით. ამ პუნქტის მოქმედების დროს გამოირიცხება 11.1 პუნქტის მოქმედება.

11.7 ხელშეკრულების პირობების ნაწილობრივი შეუსრულებლობის შემთხვევაში მიმწოდებელს დაეკისრება პირგასამტეხლო სრულად შეუსრულებელი ვალდებულების ღირებულების 10%-ის ოდენობით.

12. ხელშეკრულების შეწყვეტა

12.1 შემსყიდველს შეუძლია მთლიანად ან ნაწილობრივ შეწყვიტოს ხელშეკრულება, მიმწოდებლისათვის ვალდებულებების შეუსრულებლობის წერილობითი შეტყობინების შემდეგ:

12.1.1 თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია განახორციელოს მთლიანი მომსახურება ან მისი ნაწილი;

12.2 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

12.3 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

12.3.1 თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

12.3.2 მიმწოდებლის გაკოტრების შემთხვევაში;

12.3.3 წინამდებარე ხელშეკრულების მე-11 მუხლის 11.3 პუნქტის დადგომის შემთხვევაში;

12.3.4 საქართველოს კანონმდებლობით გათვალისწინებულ სხვა შემთხვევებში.

12.4 ხელშეკრულება შეიძლება შეწყდეს მხარეთა ორმხრივი შეთანხმებით.

13. ხელშეკრულების შესრულების კონტროლი

13.1 შემსყიდველს უფლება აქვს მიმწოდებლის მიერ მომსახურების განხორციელებისას, განხორციელოს კონტროლი. კონტროლს ახორციელებენ შემსყიდველის წარმომადგენლები: სსიპ ეროვნული სატყეო სააგენტოს შესაბამისი რეგიონალური სატყეო სამსახურის უფროსი მეტყევეები და იმავე სამსახურის საქმისმწარმოებლები, რომელ რეგიონშიც განხორციელდება მომსახურება (დალაგება-დასუფთავება) (შემდგომში „კონტროლის განმახორციელებელი ჯგუფი“).

13.2 კონტროლის განმახორციელებელი ჯგუფის ფუნქციებია:

13.2.1 გაუწიოს კონტროლი მომსახურების განხორციელების ვადების ხელშეკრულების მოთხოვნებთან შესაბამისობის დადგენას.

13.2.2 დაადგინოს შეესაბამება, თუ არა განხორციელებული მომსახურება ხელშეკრულებით გათვალისწინებულ პირობებს ან/და მოთხოვნებს.

13.2.3 უზრუნველყოს განხორციელებული მომსახურების მიღება.

13.3 შემოწმების შედეგად გამოვლენილი ნებისმიერი ნაკლის ან დეფექტის შესახებ შემსყიდველი დაუყოვნებლივ წერილობით აცნობებს მიმწოდებელს წუნდების მიზეზების მითითებით.

13.4 გამოვლენილი დეფექტის ან ნაკლის აღმოფხვრასთან და ხელახალ კონტროლთან დაკავშირებული ხარჯების ანაზღაურება ეკისრება მიმწოდებელს, საქართველოს კანონმდებლობით დადგენილი წესით.

14. ფორს-მაჟორი

14.1 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს („ფორს-მაჟორში“ არ ითვლება წვიმა, ქარი, თოვლი და ა.შ.), რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით, მომსახურების მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

14.2 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

15. სადაო საკითხების გადაწყვეტა

15.1 შემსყიდველმა და მიმწოდებელმა ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

15.2 თუ შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხრეს დავის გადაწყვეტის მიზნით შეუძლია დადგენილი წესის და მიხედვით მიმართოს სასამართლოს.

15.3 პირობები რომლებიც არ რეგულირდება ამ ხელშეკრულებით მიიღება საქართველოს მოქმედი კანონმდებლობის შესაბამისად.

16. ინტერესთა კონფლიქტი

16.1 "სახელმწიფო შესყიდვების შესახებ" საქართველოს კანონის მე-8 მუხლის თანახმად, შემსყიდველის მხრიდან ხელშეკრულებაზე ხელმოწერი პირი, აგრეთვე ვიზების დამდები პირები, ამავედროულად ვადასტურებთ, რომ არ ვიმყოფებით ინტერესთა კონფლიქტში აღნიშნულ მიმწოდებელთან.

17. ხელშეკრულების მოქმედების ვადა

17.1 ეს ხელშეკრულება მოქმედებს **2023 წლის 31 იანვრის ჩათვლით**.

17.2 მხარეები არსებითად ეთანხმებიან ხელშეკრულების პირობებს და ყოველივე ზემოთქმულის დასტურად გააფორმეს წინამდებარე ხელშეკრულება ქართულ ენაზე ელექტრონულად, რომლის თითოეული გვერდი ორიგინალია.

„მიმწოდებელი“

შ.პ.ს. „ბ&დ კომპანი“

ნინო დევდარიანი

შ.პ.ს. „ბ&დ კომპანი“-ს დირექტორი

„შემსყიდველი“

სსიპ - ეროვნული სატყეო სააგენტო

დავით ალადაშვილი



სააგენტოს უფროსის მოადგილე

